

ISSN 0132-6015


ქართული
ზოგადი ინფორმაცია

036060

ნიანგონი

11 1988

ნ.ბ. დ. პარისტაშვილი



— ერთ საათში უსიკვდილოდ უნდა ამიყვანო ყაზ-
ბეგში!
— ერთ საათში და თანაც უსიკვდილოდ?!

რეალის ჩივილი



შ ე ლ ე ბ ო ნ ი

კვირასი „ნიანგო“! რა ვქნა, სხვა გზა არა მაქვს, ისე გამოვირდა, ისევე შენ უნდა შეგაწუხო! ყველას ქომაგი და გამკითხავი ხარ და როგორ დავიჯერო, თითქმის შენთან ერთად დაბადებულსა და გაზრდილს არ გამოემსარლები?! თანატოლობაზე ჩამოგიგდე სიტყვა და სანამ ამ ბარათს მოგწერდი, რამე არ შემეშალოსმეთქი, თავის დაზღვევის მიზნით ჩვენს ყოვლისმცოდნე ენციკლოპედიაში ჩავიხედე. იქაც ზუსტად იგივე წერია, რაც მე მახსოვს: ოცდასამში შენა ხარ დაბადებული, ოცდასთში — მე (ათას ცხრაასის აქეთ, რათქმა უნდა). პოდა, რა გასაკვირია, ჩემი გაჭირვება სიყრმის მეგობარს გაგანდო. ამჯერად ამ ბარათს სამტრედიის რაიონიდან გიგზავნი. ლირიკული შესავლით თავი რომ არ შეგაწყინო, პირდაპირ საქმეზე გადავალ: ვის-ვის და, მე შენ ხომ კარგად გავხსოვს 20-30-იან წლებში, ტექნიკისა და კადრების ნაკლებობის პირობებშიც კი, რა თავგამოდებით ვმუშაობდი — ხეზე ვეკიდე; სვეტზე თუ ოთახში, ხმავე კარგი მქონდა და დიქციაც. თავის ქება კიტრიაო, მეც გამიგონია, მაგრამ იმის წლებში რომ ჩემი დამსახურება სრულიად განვითარებულია, მეგონი სადავო არ უნდა იყოს. შენც ხომ გავხსოვს, როგორ ვუყვარდი ხალხს, დიდი და პატარა, სოფელი და ქალაქი ჩემზე იყო მოყურადებული. მეც ცდილობდი და, შეძლებისდაგვარად სანუგეშო ამბებს ვაუწყებდი ხალხს. როცა საჭირო იყო, ვმღეროდი, ვცეკვავდი, ცნობებსა და ინფორმაციებს ვაძლევდი... ხალხმა ისე შემეყვარა, ლექსებსაც კი მიძღვნიდნენ. ლექსები იქით იყოს და ზოგჯერ სიმღერ-სიმღერით ასეთ დავალებებსაც შემომავარებდნენ ხოლმე: „რადიო რადიო, გვერმანიას წადიო, პიტლერსა ასე უთხარი ტანტიდან ჩამობრძანდიო“

თუ როგორ შევასრულე ეს დავალება, თვით მამაძალი პიტლერის მუქარიდანაც ჩანს — როგორც კი საბჭოთა კავშირს დავიპყრობ, პირველ რიგში ლევიტანს ჩამოვანეროებო, გაიძახოდა!.. ეჰ! რაც იყო, იყო! ჯოჯოხეთია მოსაგონებელი! იმ საშინელ ომში არც მეც მჯდარხანა გულხელდაკრეფილი! და მაინც ნანატრი გამარჯვების მოპოვებაში დადამიანების შემდეგ პირველი ადგილი უსათუოდ მე მიკუთვნინის ის კი არა, ღმერთია მოწამე, გარკვეული მიზეზების გამო თვით ტელევიზორსაც არ ამოვღებ ხმა ჩემს წინაშე!..

ასლა კი, როცა ტექნიკაც მეტი გვაქვს და კადრებიც, ნუ იკითხავ, იმდენი გვყავს, ყოვლად გაუმართლებელი მიზეზების გამო რა ხანია ხმა ჩამაწყვეტინეს და კაციშვილი არაა ჩემი გამკითხავი! ისე მაქვს ხმა ჩახლერილი, არ ვიცი, ამ სიმორიდან მოვანერხებ კი ხმის მოწვედნას? რაიონის ცენტრში და მის შემოგარენში კიდევ არა მიშავს, ჩურჩულით მაინც ვანერხებ მოსახლეობასთან კონტაქტის დამყარებას, მომორებით კი ნუ მკითხავ!.. ამას წინათ შენი სპეციალური კორესპონდენტი იყო ჩამოსული ჩვენთან და იცით, რა უთხრეს რაიონის კავშირგაბმულობის კვანძის მუშაკებმა? (მიყურადებს უტაქტობაში ნუ ჩამომართმევ, მაინც უქმაღ ვიყავი კედელზე ჩამოკიდებული და სხვა რა მექნა) — სოფელ ტოლენში, ილორში, ნაფთაღურში, მელაურში, ეწერში, ჯიხაიში, იანეთში და სხვაგან რადიო იმიტომ არ მუშაობს, რომ ამ ორიოდე წლის წინ რაიონის ცენტრში, ლენინის ქუჩაზე ტროლეიბუსის ახალი ხაზი გაიყვანესო!.. კინაღამ გავვიფიქრე, ეს რომ გავიგონე! ვიფიქრე, ხმა არ მქონდეს ჩაწყვეტაში? მე თქვენ გიჩვენებთ სერის-მეთქი! ისე, ჩვენში დარჩეს და, ხმის ამოდებას თუ მოვესწარი, პირველ რიგში იმას ვიყვირებ, თქვე სულწაფემედილებო, ჩემს ხმას მონატრებულ სოფლის მშრომელებს რაღას ემართლებით, წლების მანძილზე რადიოს გადასახადს ტყუილად რად ახდევინებთ-მეთქი?!

ასლა კი, ძმაო, შენ რომ არ იფიქრო, დაბერდა და მარტო საკუთარ თავზე წუწუნებსო, ორიოდე სიტყვა ჩვენს ძმასა და მეგობარზე — ტელეფონზეც — უნდა მოგწერო. ხომ იცი, მაგას უფრო მოზრდილ ქალაქებში აქვს დიდი ხმა და გული, თორემ პატარა რაიონებსა და სოფლებში სიმორცხვისაგან აგერ-ეგერ თუ წიჩურჩულეებს ორიოდე სიტყვას!.. ამიტომაცაა, რომ ამ ბოლო ხანებში სულ მთლად განუკითხავობისა და უსამართლობის მსხვერპლი გახდა ეგ საცოდავი! როგორც ზემოთაც გწერდი, მე საწყაღს ხმა მაქვს ჩავარდნილი, თორემ შეხედვით, გიყვარდეს, ყველაფერს ვხედავ. სულ ზეპირად ვიცი, ვინ რა მაქინაციებით დაიდგა ტელეფონი მეზობლებთან საჭიროად!.. თუმცა მოდი, ამაზე სიტყვას ნუ გამაგრძელებინებ, თორემ, ვაითუ... იმისთანა რამერუმებში წამომცდეს!.. არა, თავად განსაჯე, თუ კაცი ხარ, ჩვენ რო ვიცით, იმისთანა ვილაყვებს რომ დაუდგეს ტელეფონი, ამ დროს, დღისით მზისით, სკოლა და საბავშვო ბაღი კაციშვილს არ გახსენებია! კაი ერთი, სასწაულს ნუ მეუბნებიო, გაცხარდები ასლა შენი ერთი მაგალითი მაინც დამისახელო, მეტყვი! კი ბატონო! ერთსაც მოგახსენებ და ორსაც: სამტრედიის №1 არასრული საშუალო სკოლა (სოფელ ეწრისა და მელაურის საზღვარზე რომ დგას), სამტრედიის №8 საბავშვო ბაღი, რომლის შესასვლელშიც ორი უზარმაზარი ფირნიში იქცევს ჩვენს ყურადღებას: „ყველაფერი საუკეთესო — ბავშვებს!“ და „ხანძრის შემთხვევაში დარეკეთ 01“ (ესეც შენი ბედის ირონია!) ღმერთმა

ნუ ქნას, აქ ხანძარი გაჩნდეს. თორემ სადაა ტელეფონი?! მივირს და გამკვირვებია, განა კამადლი! ღმერთმა მშვიდობაში მოახმაროთ, მაგრამ იქვე, სულ რაღაც სამსიოდ მეტრზე მდებარე მელორეობის საკონტროლო-საგამოცდო სადგურში თუ ტელეფონებიც უდგათ და რაციაც (ექვსასი სული ღორი ჰყავთ!), ვითომ ბავშვებმა რაღა და-აშავეს, მარტო ლოზუნგის ამბარა რომ დავტოვებ? ჩემი რბმა რწმენით, ერთი ბავშვი მილიონ ღორზე მეტი ყურადღების ღირსია!

კაცმა რომ თქვას, რა ჩემი საქმეა, მაგრამ სიტყვას მოჰყვა და რაკი ყველაფერს ვხედავ, ბარემ იმასაც გეტყვი, რომ ეს მელორეობის ფერმა შუაგულ სოფელ მელაურშია ჩადგმული და ბუზებითა და შშორის სუნით ნაშენი აწუხებს სოფლის მშრომელებს, განსაკუთრებით ზაფხულში, ქვენა ქარის დროს. თუმცა მალე იქვე მდებარე სოფელ ეწერშიც ამოქმედდება მსგავსი ფერმა და ე, მაშინ ნახე შენ, ორივე სოფელი რომ იქნება გარანტირებული ზენა და ქვენა ქარით მონაბერი უიდეშითა და შშორის სურნელებით! მე შენ გეტყვი, აქაური ტელეფონით არ მიაწვდინო ხმა, სადაც საჭიროა!..

ამდენს რომ ვწუწუნებ, მთლად უკსიმიისტი გამხდარაო, კი არ იფიქრო! შენი არ იყოს, მეც იმედით ვცოცხლობ, ძმაო! ამ ბოლო ხანს მეონი რაღაც სასიკეთო ძვრები მართლაც ხდება: ჯერ იყო და, სამტრედიის კავშირგაბმულობის რაიონული კვანძის უფროსი ვათავისუფლეს თანამდებობიდან, შემდეგ... თუმცა ჩემი აზრები რომ ტენდენციურად არ მოგეჩვენოს, რაიონულ გაზეთ „წინ ს ვ ლ ი ს“ 1988 წლის—26 მარტის ერთ-ერთი წერილიდან მოგაწვდი ცნობებს: „...თითოეული ჩვენგანისათვის კარგადაა ცნობილი, რომ უკანასკნელ წლებში ჩვენი რაიონის მოსახლეობის სატელეფონო მომსახურების პრობლემა უაღრესად გამწვავდა. არაერთი საგაზეთო პუბლიკაცია, მკითხველთა ათობით და ასობით წერილი და საჩივარი ნათლად წარმოაჩინდა სატელეფონო კავშირგაბმულობაში არსებულ ნაკლოვანებებს...“


რაიონული კვანძის შრომითი კოლექტივი მალე საკონკურსო წესით აიჩრევს კვანძის ახალ ხელმძღვანელს. რედაქციის განზრახვით აქვს, მოაწყოს საუბარი ახლარჩეულ ხელმძღვანელთან რაიონის კავშირგაბმულობის საჭირობოროტო საკითხებზე“.

როგორც ხედავ, მთლად უიმედოდაც არა ვარ, მაგრამ შენი ყურადღება მაინც ერთ რადიოფიციურულ სოფლად მიღირს. მთელ იმედებს მომავალზე ვამყარებ და ვნახოთ. დანარჩენს მეტე შეგატყობინებ. ნახვის ნატვრით მომიკითხე კავშირგაბმულობის საინისიტროს ის მუშაკები, რომლებზეც ჩემი ყოფნა-არყოფნა დამოკიდებული სამტრედიის რაიონში!

ერთსაც გეტყვი: სხვამ იკითხოს, თორემ, როგორც გავხსოვს, მე ყოველთვის ვლაპარაკობდი. ამიტომ ვარ განსაკუთრებით გულნატკენი, რაღა მაინცდამაინც ასლა, ამ საჯაროობის დროს, როცა ლამის უთომავე ამოიდგას ენა, რაღა მე ჩამაწყვეტინეს ხმა?! რას იტყვის ხალხი?!

უტყვი რადიოს თხოვნით და დიდი იმედებით — ამირან კალაქა

ნახ. ბ. ზუგაშვილისა





„ნიანგის“ სატელევიზიო პროექტი

ნაზი კილასონიას

გვარად კილასონიაა
და სახელად პქვია ნაზი,
ეფინება საქართველოს
ნაზის ლექსი ფიანდაზად.

დაუღლეულად მოღვაწეობს
ჟურნალ „საქართველოს ქალში“,
არის სამი ბიჭის დედა,
უნდა გვეყავდეს მეცხრე ცაში!

დატვირთულა პოეზიით,
სამსახურით, სახლით, ბაზრით!
სამწუხაროდ, ჩვენ ცოტა გვეყავს
დღეს პოეტი, ნაზის ფასი!

„საჭიროა გამრავლება!“ —
მოგვიწოდებს ლექსი მისი!

საჭიროა! საჭიროა! —
გვიჭირს! გვიჭირს! გვიჭირს!
გვიჭირს!..

უნანს სამას არაგველად
ნაზის თვისი სამი ბიჭი!
„გაუმარჯოს გამრავლებას!“ —
ნაზი ამ დევიზით იწვის...

აქვს მზიური სევედისა და
იუმორის დიდი ნიჭიც,
მთელი საქართველო იცნობს
ნაზის ცრემლს და ნაზის სიცილს!

მეგობრული შარჟი
გელა დურგლიშვილისა



სამტელევიზიო



საპარტიველოს სსრ სახელმწიფო
სურათების გაღერის საგამოფენო
დარბაზში მოეწყო თბილისის სახელმწიფო
სამხატვრო აკადემიის სამრეწველო
გრაფიკისა და შეფუთვის კათედრის
პედაგოგის, საქართველოს სსრ
დამსახურებული მხატვ-

რის, ცნობილი გრაფიკოსისა და კარიკატურისტის, ჟურნალ „ნიანგის“
მხატვარ-კორესპონდენტის ზურაბ ფორჩხიძის
ნამუშევართა პერსონალური გამოფენა,
რომელმაც დიდი მოწონება და ერთსულოვანი აღიარება
დაიმსახურა.

ზურაბ ფორჩხიძეს

ზღაპრულ სამყაროს ქმნი აკვარელით,
კალმით, სანგვინით, გუაშით,

ტუშით... —

კაცი — კეთილი და საყვარელი
და ჩასაძვრენი სულშიც და გულშიც!
დიდ წინაპართა გამოსავს ნათელი,
[ფრეთბუმესხმელიც ხარ მათი

ოცნების!..

„შენებრ ოსტატებს ზრდის
საქართველო,

სავსეს ქართული პათიოსნებით!“
ჩუმო მსახურო წიგნის გრაფიკის,
გროტესკისა და კარიკატურის,
თავმდაბალი ხარ, მაგრამ არ გიყვარს
„სუყველაფერზე თავის კანტური“!
მხატვრად შენ გირჩევს ბევრი

მწერალი,

შენც ხათრიანი,

მოკრძალებული —

ვერ ეუბნები უარს ვერავის,
გაქვს სამუშაო მოძალებულის!
შენითაც იბრძვის რადგან „ნიანგი“,
უნდა შენს ფოტოსურათს

გვოცნიდეთ,

ნაღდი მხატვრის და ადამიანის
ოქროსინთეზო ზურაბ ფორჩხიძეს!

ზაურ შოლქვაძე

რამ, შეცბით, გლახა გუნებაზე დაგაყენეთ პროტექციის გავონებაზე?

ათასი ბოდიში!..
მართლაც, პროტექცია რა მოსაწონი სიტყვაა და მით უფრო — მისგან გამომდინარე ნამოქმედარი. მაგრამ, თქვენ გენაცვალეთ, ამ შემთხვევაში, ფუი ეშმაკს!.. სამჯერ აქეთ-იქით გადამიფურთხებია, ცული არაფერი იფიქროთ!

ეს პროტექცია, ჩემო ბატონო, ის პროტექცია არაა. ის ავად სახსენებელი ნეგატიური ზნე და მანკიერება არ განსვავთ, არა, ინფექციური გრიპის ეპიდემიასავით რომ შემოგვეპარა და შეგვბოტა პატრონის ხალხი, ზოგ-ზოგმა კი იმის ხარჯზე ხელიც კარგად მოითბო, დასახლდა, დამშვენდა, გაკეთდა, გამოიჭინა მუხის საფარქელში, კაი სმა-ჭამა არ აკლია, მარტო თვითონ კი არა, თავის ცოლ-შვილსაც, ბიძაშვილ-ნათლიედღდასაც, ეს რომ არ იკმარეს, ნაცნობ-უცნობიც თავზე წამოგვასეს და პერი!.. ნავარდობენ, არც სახელი აკლიათ და არც პატივისცემა!..

შენ კი მისჩერებისარ ამ უსინდისობას, პირში წყალი დაგიგუბებია და ასკილივით თავს აქნევ ყველაფერზე. ტაშსაც უკრავ, უღიმღი და აქვბ, შემთხვევით ფორტუნა ხელს თუ არ აუკრავს და საფეხურით კიდევ მაღლა რომ აპირებდა ასვლას, „ბრანც“ და ქვევით თუ არ დაეშვება, უკანასკნელ საგანემდეც მიაცილებს!..

პროტექცია კი ხითხითებს და თავის საქმეს განაგრძობს... ბრუნდები იმ გასვენებიდან და რომ გგონია, ეს არის, ჭირი მოიშორე, დაგირეკავს ნაცნობი და დაბოღმილი ახალ ამბავს მოგახლის:

- საქმეა ახლა ეს?
- რა ხდება ჩვენს თავს?! - გულისფანცქალით ეკითხები.
- ერთი წავიდა და მეორე მოიყვანეს ტურფასა საბაღნაროსა, ისევ უღირსი, დაუმსახურებელი... და ისევ პროტექციის ხარჯზე!
- კაი რა!..
- არადა, გეკითხები, სული უნდა ამომხდეს ამ მოადგილის ადგილზე?
- დაგვეაბნა, გაგვანადგურა პროტექციამ, მიხედ, კაცო, თუ შეგიძლია, მიხედ, მიდექ-მოდექი!
- მე რა შემიძლია?..
- აბა, თუ არ შეგიძლია, რაღას იხეთქ მაგ ნინფარქტალ გულს?

ეს გულისხმეთქა, ჩემო ბატონო, სულ იმ ავად სახსენებელი პროტექციის მისამართითაა თქმული, ფუი ეშმაკს, მაგრამ... ეს პროტექცია, ამას ვენაცვალე, უჭირისუფლო ადამიანების ჭირისუფალი. ერთი ჩვენებური, გადასარევი გულის მანდილოსანია, რომელსაც დედამ საგანებოდ დაარქვა ყველასგან გამორჩეული სახელი, რომ გამორჩეული გულისა ყოფილიყო და ისე თქვენ ყველა ნატვრა აგისრულდეთ, როგორც პროტექციის გამჩენ დედას შეუსრულდა სურვილი!

ტექცია! - დაურეკავ ტელეფონით, შინაურულად, უბრალოდ, როგორც ვეძახით ჩვენებურები და ეტყვი, რომ დაგიგვიანეს სახალხოს წოდება ან ლურჯატობა და სიტყვა შეგაწიოს, ვისაც ჯერ არს, იმასთან.

ისიც უბრალოდ გიპასუხებს:

- ლექსი ან რომანი რომ გავიშანშალო, არ გნებას? - ცალი ყბით გიბრაზდება, მეორე ნახევრით კი გიღიმის, განიშნებს, ართმას მიხედ, გულს ნუ იხეთქ!

- ტექცია... გავჩანავდით, ჩემო სიყვარულო, ლამის არის, ქორწილში ნათესავების მოტანილი დანა-ჩანგალიც საკომისიოში გავარბინო რეპეტიტორების ვალიდან თავის დასაძვრენად, ეს ჩვენი დებილი კი იჭრება!.. ბარემ შენ შეირგე ის ფული, ალალი იყოს!.. მე მოვკვდე, თუ გულით არ გლოცავდე!.. ყველა სწავლობს, ეს კი... სირცხვილით ნაცნობებისკენ ვერ გამიხედავს, საქმეა ეს?

- ფული რა ჯანდაბად მინდა, ან შენ უცხო ხომ არ ხარ, არ მიცნობ, ამას რომ მაკადრებ? რომელი გამომძალველი მე მნახე?.. ის დანა-ჩანგალი კი ვერცხლისა თუ არის, რაღა საკომისიოში წასაღებად იმეტებ, მომიყარე სერვანტში, ცოდვა ხარ, არ იცი, რომ იქ მარტო ვიტრინაში გამოსაყენად შეიდა პროცენტს წაგაგლეჯენ? და კიდევ... ქალო, ის ორი გორკა რომ წამოგიჭმია როკოკოს სტილისა შენს სასადილოში, ერთი რომ მიწილადო, გაწყრება ვითომ ღმერთი?! - გადასარევი კისკისით გულს სიამით გიფენს ის დალოცვილი და გორკას კი არა, სულსაც არ დაუჭერ.

ჰოდა, ბევრი ფიქრის მერე, ბოლოს და ბოლოს, მეც შევაწუხე ის ჩვენებური, ოქრო გულის ქალი.


- ძალიან კი შეირდება, მაგრამ... ეგება მომიხერხო ზედსიძედ შესვლა მანქანიან, ბინიან და, რასაკვირველია, კაი თანამდებობის სასიამაოში ოჯახში, ტექცია!..

- აკადემიკოსის ქალიშვილი გნებას? - წარბი შეიკრა ტექციამ.
- აკადემიკოსი კაია, მაგრამ მინისტრის ქალიშვილი რომ იყოს, ან პოეტის, ან ქარხნის დირექტორის, რა უშავს, უარს არ ვიტყვი! - ვითომ ვერ შევამჩნიე გაბრაზება ტექციას, მე ჩემი დავამდერე.
- ხანუმები სხვაგან მოიკითხე, მაგისტანა წერილმანებით მე არ ვიტვრითავ თავს!.. პატრონი მოუკვდა თავმდაბლობას, მთლად გამიშინაურდით?!
- ტექცია, ძვირფასო, შენ რა, ერის გამრავლების წინააღმდეგი ხარ?!
- სარკეში ჩახედე და მერე შელაპარაკე! - მოკლედ მომიჭრა ჩვენებურმა და გაშაა.

რაღა დაგიძალოთ, ძალიან მეწყინა. კაცი ვარ და ქუდი მხურავს. მთლად არსენა მარაბდელს არ ვგავარ, მაგრამ არც ზოგიერთს ჩამოვრჩები. რა ვუყოთ, რომ შემავიანდა ცოლის შერთვა. პუშკინმა ხომ თქვა: „ლიუბი ვე ვოზრასტი პაკორნი“, ჰოდა, დრო მოვა დავქორწინდები. აი, ტექცია თუ დავითანხმე, დამეხმაროს იუბილეს გადახდაში, თარიღი კი, მართლაც, სოლიდურია: ამ წლის მესამე კვარტალში ჩვენს ტრესტში ექსპედიტორად მუშაობის დუჟინი მისრულდება, სრული თორმეტი წელი. ტექციას ვენაცვალე, ვენაცვალე კი არადა, ძეგლადაც გადავფარებო, ეგ თუ მომიხერხა! ჰოდა, ტელევიზიითაც თუ გამოაჩენენ იუბილეს, საცოლვე თავისთავად გამოიძებნება!

ნანა კანდელაკი

ნახ. დ. მარისტავისა



კ ა თ ხ ა ი ო გ ა

მთარგმნელთა დასახმარებლად


მოგახსენებათ, ქართულ საოპერო თეატრში ქართულად მხოლოდ ქართულ ოპერებს მღერიან, ხოლო არაქართულ ოპერებს არაქართულად მღერიან. ეს იმიტომ კი არ ხდება, რომ ქართული არ იციან ან არა-ქართული იციან, არამედ იმიტომ, რომ ლიბრეტოები არ არის არაქართულიდან ქართულად თარგმნილი.

ჩვენ ვფიქრობთ, რომ ფიქრობენ ლიბრეტოების თარგმნას, მაგრამ თუ ფიქრობენ, ერთობ დიდი ხანია ფიქრობენ, ხოლო თუ არ ფიქრობენ, დიდი ხანია არ ფიქრობენ და უნდა იფიქრონ!

ცხადია, ლიბრეტო ადვილი სათარგმნი როდია: შინარსის გარდა, სიტყვათა მუსიკალური შესაბამისობაც აუცილებელია. კეთილშობილური სურვილით ამოძრავებულებმა, გადაწყვიტეთ, დახმარება გავუწიოთ ლიბრეტოთა სათარგმნელად ასამოძრავებელ ამხანაგებს და შევთავაზოთ ოპერების სახელწოდებათა თარგმანები:

- Травната - პატარ-პატარა ბალახები, ანუ ბალახისშვილები.
- Риголето - ზაფხული რიგაში, ანუ ბალტიისპირული ზაფხული.
- Тоска - დარდი.
- Труба дур - სულელი ვოგოების მილი.
- Отелло - ვიძე, სხეულო ან „ტანო ტატანო“...

ასწიპიტარი შემდგომშიც მზად არის დახმარება გაუწიოს ლიბრეტოების თარგმნის მსურველებს!



- რატომ წონი საკმელებს?
- უფროსები ერთმანეთს ატყუებენ და ჩვენ რას გვიზამენ?!

გინაბიყნაქი



- ბებიკო, ჩაუავი ამ სამეღნეში ცხვირი!
- რას ამბობ, შვილო, სად შემიძლია?!
- ჩაუავი რა, ბები, გეხვეწები!
- ნუ სულელობ, არ შემიძლია!
- რატომ მატყუებ?! აკი დედა ამბობს, ყველაფერში ცხვირს ყოფსო?

X X X

- მამიკო, შეიძლება ადამიანს რქები ამოუვიდეს და დაბრმავდეს?
- დაბრმავება შეიძლება, მაგრამ რქებისა რა მოგახსენო!..
- რა კარგია! შენ არც ბრმა ხარ და არც რქები ამოგხვლია!
- რაო?!
- წინო დეიდამ უთხრა ამ დილით დედიკოს, შენი რქოსანი ქმარი ბრმაო!..

X X X

- მამიკო, ბებია რომ მოკვდება, ჩვენი მურიაც მოკვდება?
- უცნაური კითხვაა! რა თქმა უნდა, არა!
- მაშ, რატომ ეუბნება დედა ბებიკოს, ძალი მიგაკვდება სულ-შიო?

ბორის მათითაშვილი

(ქ. ს. ო. ზ. მ. ი.)

პაპისტი

— მე დაგიბარეთ სკოლაში! რას ჰგავს ეს, როგორ კერ მოგივლიათ ამ თითხტოლა ბავშვისთვის დედას, მამას, ბებიას, ბაბუას, ორ გაუთხოვარ და ერთ დედამთილისგან დაწუნებულ, უკან მობრუნებულ მამიდას! ეს ხომ მთელი კოლექტივია და თქვენი ბავშვის საქციელი რომ გავიგე, მთელ თქვენს ოჯახზე დამეკარგა წარმოდგენა! არასოდეს არ ხელმძღვანელობთ დევიზით — ერთი თხილის გული ცხრა ძმამ გაიყო!..

— რა მოხდა, პატივცემულო, ახეთი? რა გააკეთა ბავშვმა? გვითხარით, რა აკლია ჩვენს შვილს, და შევეცდებით!..

— ჰმ, აკლიაო! კიდეც მეკითხებით?! ნუთუ, აქამდე არ შეგიმჩნევიათ?! — აკლია ის, რაც ყველაზე მთავარია ადამიანისთვის ჩვენს საზოგადოებაში — კოლექტივიზმის გრძობა! გუშინ მეზობლის ეზოდან მოპარული კაკალი ისე შეჭამა მარტომ, რომ არც ერთ ამხანაგს არ უწილადა!

ნაწული ჯავახიშვილი



სოველა


მეოთხედი სახელი გახლავთ. თახორა ბიჭებმა შეარქვეს მეტსახელად. არ ვიცი, იმიტომ, რომ თახორაშვილია გვარად თუ თახვას ძეა თავად. მთავარი კი მის კმაყოფილ ცხოვრებაში ის არის, რომ მამის ბიჭია, საკუთარი ბიჭი. მამას უყვარს იგი და მამა არ უყვარს მას. როგორ და რატომ, ამასაც მოგახსენებთ.

ბიჭი ჯერ ისევ ორი წლისა იყო, როცა მამას შესციციანა:

- მამიკო!
- რა იყო? - ჰკითხა ბედნიერმა მამამ.
- მიყიდე ძაღლი!
- რად გინდა ძაღლი, შე ძაღლიშვილო?
- ძაღლი მინდა! ძაღლი მინდა! ძაღლი მინდა!
- დაიწყო ტირილი და ფეხების ნერვული ბაკუნი მექიმ. და ძაღლი უყიდა მამამ.
- მამიკო! - ხელახლა დაიძახა მექიმ.
- რა იყო? - კვლავ იკითხა მამამ.
- სიპეტი მინდა! სიპეტი მინდა! სიპეტი მინდა!
- რა არის, ბიჭო, სიპეტი?
- ველო. - თქვა მექიმ.
- ველო რაღა?
- ველოსიპეტი.
- ჯერ პატარა ხარ! - უთხრა და თვალები ჭერს მიააყრო მამამ.
- ველო მინდა! სიპეტი მინდა! ველო მინდა! სიპეტი მინდა! - დაიწყო ტირილი და ფეხების ნერვული ბაკუნი მექიმ.
- მამამ ველოსიპედი უყიდა მექის.
- გავიდა წლები და შეიცვალა როლები:
- მამიკო! - ახლა მამამ მიმართა შვილს.
- რა იყო? - იკითხა მექიმ.
- რატომ ღებულობ ორიანებს?
- იმიტომ, რომ ადვილი დასათვლელია!
- როგორ თუ ადვილი?!
- აი ასე: ათ საგანში რომ ათი სუთიანი მიიღო, სუმ ბევრი იქნება?
- რამდენი იქნება?
- აბა, შენ მითხარი, თუ ბიჭი ხარ!
- ორმოცდაათი.
- მართალია. ათ საგანში რომ ათი ორიანი მიიღო, რამდენი იქნება სულ?
- ოცი, შვილო!

- ჰოდა, ოცი მგონი ნაკლებია ორმოცდაათზე, არა?
- ნაკლებია.
- ჰოდა, მაგიტომაც ადვილი დასათვლელია.
- მამიკო! ახლა მამა იძახის.
- რა იყო? - კითხულობს შვილი.
- დღეში ხუთი მანეთი იყოფინე, ფული არა გვაქვს!
- მე კი მყოფნის, მაგრამ გოგოებს არ ჰყოფნის. - იძახის წამოჩიტული მექი.
- გადის დრო.
- მამიკო!
- რა იყო! რა იყო! რა იყო! რა იყო!..
- და მექიმ ქვეყანა აიკლო, არ სწავლობდა, ძალით დაამთავრებინეს. სამსახურში მოაწყვეს, სამსახურიდან გამოიქცა, ჯარში მიჰყავდათ, არ გაუშვეს, დაატოვებინეს!..
- ახლა უკვე მექი აღარ უძახდა თავის მამიკოს. აღარც მამიკო მიმართავდა მექის ენამორჩულებით: - ლა იყო?
- თუ მამა ხარ, მამა იყავი, მომაწყვე უმაღლესში!
- ცოდნა არა გვაქვს, ბიჭო!
- შენ ხომ გვაქვს იმის ცოდნა, რა უნდა უცოდინარის მიღებას უმაღლესში?
- დატრიალდა მამიკო, იძახდა: - რა იყო, რა იყო, რა იყო; ჩააყარა ორმოცი ათასი მანეთი აფერისტს და მექი თახორა მაინც ვერ მოაწყო უმაღლესში.
- მამიკო! - იძახის მექი თახორა.
- რა იყო? - უპასუხებს მამა.
- ცოლი მინდა!
- მოიცა პატარა, საქმე საქმეზე მოიყვანე!
- საქმის მოყვანას ცოლის მოყვანა არ ჯობია?
- არ ჯობია!
- არ ვიცი მე მოცდა! ცოლი მინდა, ცოლი მინდა, ცოლი მინდა! - სტუნავს მექი და ვიღაცა გოგოსთან ერთად მიხტის ქუთაისში და ქუთაისიდან ორ კვირაში ბრუნდება შინ გახარებულ-გაფუებულ-გაბედნიერებული.
- მამიკო!
- რა იყო?
- რძალს ჩაცმა-დახურვა უნდა!
- გავვიდი მამისეულ დიდ ბეჭედს.

- უი, მამიკო!
- რა იყო?
- ბეჭედი რძალს უნდა, მე კოსტიუმი მინდა, ფინური კოსტიუმი, რძალს „გრუნდიკი“ უნდა, მე ჟი... ჟი... ჟი... გული მიიინდააა! - ისევ ატირდა მექი
- არა მაქვს ფული!
- მამიკო!
- რა იყო?
- როდის ისწავლე ხუმრობა?
- ხუმ...!
- მამიკო! - სიტყვას არ აცლის მექი თახორა და მრისხანედ ბრძანებს. მაგრამ ბრძანებით ფულის მოჭრა ყველას არ შეუძლია. მამიკომ რვა-ასი მანეთი ძლივს გამოჩხრიკა სახელმწიფოს სალაროდან.
- და აი, ერთ ლამაზ, მშვენიერ, დიდებულ და საუკეთესო დღეს ტელეფონში გაისმა მექი თახორას ხმა:
- მამიკო!
- რა იყო?
- დამიჭირეს, ვზივარ!..
- რატომ, ბიჭო, შენ მოგიკვდეს მამა!
- მანქანა გავიტაცე, სხვისი მანქანა!
- რატომ, რა ღმერთი გაგიწყრა?!
- ახალი იყო, კაქაქა და მომეწონა.
- შენ რა გითხარი, ყიდვას ვაპირებდი!
- იშოვე ფული?
- ვიშოვე.
- ჰოდა, დახარჯე ეგ ფული, აქ დახარჯე და გამომიშვებენ!
- ამ დიალოგის ერთი თვის თავზე მექი გაასამართლეს და ექვსი წელი მიართვეს. ეს დღე კიდევ იმით იყო ღირსსახსოვარი, რომ მექის ორი წლის ბიჭუნამ დღეს პირველად დაიძახა:
- ბაბუკო!
- რა იყო? - იკითხა მრავალბედნიერმა პაპამ. დანარჩენი? დანარჩენი თუ განიტყრესებთ, შეგიძლიათ თავიდან წაიკითხოთ ეს მოთხრობა.



დოსტოვდა და მღეროდა,
 სხვა კაცს კაცად არ ცნობდა,
 არც ნამუშის სჯეროდა.
 ჩურჩულებდნენ: „რა კაცია,
 შემძლე არის ყოვლისო,
 ნიჭი აქვსო ამ ცხოვრების
 სათავისოდ მოვლისო!
 უშრომელსა შემოსავალს —
 შნო აქვსო და — შოვნისო!“
 „შოვნა, მაგრამ როგორ, რა გზით?“
 — დრო დადგა და იკითხეს
 და... თავის „შნოიანებთან“
 ერთად ოხრავს იგი დღეს..

შოთა არაბული
 (ყაზბეგის რაიონი)

როცა ქურდბაცაცობას
 ანაცვალა კაცობა,
 „შნოიანად“ მონათლეს,
 ამან მთლად გააცოფა...
 მხოლოდ „შნოიანებთან“


შობი პეპსი..
ПОЮТ ჩარიხებული
БРАТЯ АБЕСАДЗЕ კომპოზიტორი



თბილისის სპეციალურ მალაზიებსა თუ კოსკებში კვლავ იყიდება საკავშირო გრამფირფიტების ფირმა „მელოდიის“ მიერ გამოშვებული ფირფიტა „მღერიან ძმები აბესაძეები“. თუ ფირფიტაზე არსებულ წარწერას დავუჯერებთ, იგი 1979 წლის ჩანაწერია, და თუ ჩარჩოზე გაკეთებული ანოტაციის ქვეშ მდებარე წარწერას ვენდობით, იგი 1981 წლისა უნდა იყოს. ეს ლაფსუსი ამ ფირფიტისათვის ზღვაში წვეთიო, რომ იტყვიან, სწორედ ის არის, მთავარი კურონი სიმღერების ჩანაწერშია: ფირფიტის პირველ მხარეს ძმები აბესაძეები მღერიან „მოდი, მოდი, გაზაფხულოს“ და „მყურულს“. ფირფიტის მეორე მხარეს, გამომცემელთა დასტურით, ძმებისავე შესრულებით ჩაწერილია „კალოსპირული“ და „თამარ ქალო“. სინამდვილეში კი ამ მშვენიერ ორივე ქართულ ხალხურ სიმღერას რომელიღაც სხვა ანსამბლი ასრულებს და ვერც თუ ისე მარჯვედ. მოდი და ენდე ასეთ გამოცემას! ალბათ ამაზე იტყვიან: ფიცი მწამს, ბოლო მაკვირვებსო.

დურგიშან ცინცაძე

ნახ. ირაკლი შავგულიძისა



უსიტყვოდ

სატირულ ჟიჟილში



ბალადა „სადკოზე“

მაცივარი შევიძინე,
სიცხისგან რომ ვიწვოდი,
ლუმენით თუ ათბობდა,
ეს მართლა არ ვიცოდი..
ვეწვალე და ვერ ავაწვე,
დავრჩი დარდის დარადა,
ბარმა „სადკო“ შთამაგონა
ეს პატარა ბალადა.
მალაზიას მივაკითხე
(მივადექი მანქანით),
უცებ ხალხი დამეხვია
უვირით და ქაქანით..
და გულიას მოედინიდან
ავჭალამდე დავქროდი,
გულზე ცეცხლი მეკიდა და
ველარაფრით ვაქრობდი..
ბარი „სადკო“ ჩავბარე,
კი ვარგოდა ბარადა,
მაცივარზე დაიწერა
ეს პატარა ბალადა.

ამ კომბლითვე კაკო კაკას დაუბრუნა ხურდა უკან.

ბაუმალრები

უზიდებიან ქილებით,
უზიდებიან ყუთებით,
რომ გაიხივონ მუცლები,
გაიათქეცონ კუნთები,
თავზე საყრელად რომ ეწყოთ
ქათამი, მწვადი, ბოლოკი..
შენ თუ მოგშივდა, იცოცხლე,
ქვაბს მოგიგდებენ მოლოკილს!
მოიმარაგეს არაყი,
ღვინო, სულგუნი, ნამცხვარი,
წინილა და სათალი,
ცხრა დეკეული, ცხრა ცხვარი!
ცხრა დღე „პარალე“ იძახეს
და იცოტავეს ნამუსრი..
იმ ქორწილს გადააყოლეს
სტუმარ-მასპინძლის ნამუსრი!..

ზოგს გაყიდი, ზოგს იყიდი,
სარფიანად საქმობ!
სულ „უიგულით“ დგარიან,
დროს უქმად არ აქრობ,
ქორვაჭრობით მანქანაც და
ავარაკიც გაქვსო!

მოგული გულის ფანქალით,
არ დაივიწყო ნახუქი,
ბურვაციც ჩამომიყვანე,
თქვენს ტყეში კარგად ნახუქი!
სულგუნიც გამოიყოლე,
არ იშოვება ქალაქში,
არ დაგავიწყდეს კაკალი,
წაბლიც ჩაყარე კალათში!
ხორავით კარგად გატენე
შენი ცინცხალი „ვილისი“,
ცოლ-შვილიც წამოიყვანე,
უნდა განასოთ თბილისი!

რა არის საძრახისი?!

საშურში მწვადი მიირთვა,
რიკოთზე – „ოსტრი“ ყაურმა,
ყურები გამოგვიჭვდა
მერე იმ კაცის სმაურმა.
ყაურმა საშით შეცვალა,
არაყიც წრუმა ნისიად,
ყვიროდა: „ცოტა გადაკარ,
განა ეს საძრახისია?!“

შარზე იყავ შარიანი!..

ბედოვლათი ბიჭი იყავ,
„შედისაგან ბეჩავი“,
რასაც კი ხელს დაავლებდი,
ლენადი და ლენადი..
შარზე იყავ შარიანი,
შინაურთან – შორიშორა
საკან-ცინხე-კოლონიამ
ვერაფრით ვერ მოგიშორა!

ენის გასატყვისი

კოკამ კაკოს კაკლის კომბლით შუბლზე კოპი დაასკუბა,

საქო

იმპორტული საქონელი უბით დაგაქვს, საქო.


სალამი დუღუჩას!

სალამი, ჩემო დუღუჩა,
როგორ გიკითხო, რას შერები?
ჩამოდი. ჩამოიყვანე
ეგ თვალნატულა ბავშვები!


ნახ. ნატო ამირეჯიბისა



ტყუილად მიყოფ ჩიბეში ხელს, კოპერატიული რესტორნიდან გამოვედი!



ნახ. ნ. გვიტავასი



— სად მიგაქვს ჩემი მაგიდა?!
— აბა, სკამიდან ვერ აგაგლიჯეთ!..

ჯონი ბაზარაშვილი

ნარკოტიკები

● დიდმოვლოკაა
მთელი საქართველო გადაათურა, ბევრი კომუნალური სამსახური კი გააშავა.

— როგორ გამოიყურებიან ვარდაქმნის პირველ ეტაპზე ბიუროკრატები, კარიერისტები, მეჭრთამეუბნი?
— ძველებურად, მხოლოდ ფერი შეიცვალეს.

● ზოგიერთი ინტელიგენტი ფუთავს ნაგავს და ინტელიგენტურად დებს ქუჩაში, რათა მეფეზოვემ ინტელიგენტურად შეაგინოს და არა ქუეყნად.

● ბენზინის რიგში დგომისას დრო მალე გავა, თუ იმდერებთ სიმღერას — „შინმოუსვლელო, სადა ხარ?“

● მოსამართლე: — რაზე ჩივით?
● მოსარჩლე: რაიონიდან ჩამოვედი, ფული მქონდა, ბინის შექმნის მიზნით ყოფილი მეუღლე ფიქტიურად გავათხოვე ქიტუსა ვაგლანაშვილზე.

— ახლა რას თხოულობთ?
— ვინაიდან ვაგლანაშვილმა ფაქტობრივად დაიწყო ცხოვრება ჩემს მეუღლესთან, ფული დამიბრუნოს და ჩემი ყოფილი მეუღლე დაიტოვოს!

— სიღვდრმა „ვიგული“ გიყიდა?

— ეს, ამას თუ ყიდვა პქვიას... კერძო ტაქსად მამუშავევბს!..

● ინსპექტორი: — მართვის მოწმობაში რომ ჩაგიდევით ათმანეთიანი, ჯიბე ან საფულე არა გაქვთ?

● მძღოლი: — თქვენ გეშლებათ, პარტივემულო ინსპექტორო! ეგ ათმანეთიანი კი არა, ჩემი „ტალონის“ მაგნიტური ველია!

● ბოსოვთი მიშუამდგომლოთ, რათა ჩემი გვარი იღბალაშვილი შეიტანონ რეკორდების წიგნში: გლდანის მასივიდან ტელეფონით დაუკავშირდი სიღვდრს ვარკეთილის მასივში და რვა მარტი მიეულოცე!

● ინსპექტორი აჩერებს „ვიგულის“.

— თქვენი მართვის მოწმობა და მანქანის პასპორტი! რატომ არა ხართ დაბმული ქამრით?

— აგერ, ბატონო, შეხედეთ, როგორ მაქვს გადაჭერილი, ლამის დავისრწო!,
— მე გეკითხებით თქვენს გვერდით მჯდომ ქალბატონზე!

— ეგ ჩემი ცოლია!..
— მე ვგარ მაინტერესებს! რატომ არა დაბმული ქამრით?

— დაბმული რომ არ მყავდეს, ჩემი ცოლი როგორ იქნებოდა?

— ესე იგი თქვენ დაარღვიეთ მოძრაობის წესები და ვაფორმებ ჯარიმას!

— ნუ იზამთ მავას, პარტივემულო ინსპექტორო! ჩვენ სასამართლოში მივდივართ განქორწინებაზე განცხადების შესატანად და იმიტომ აუუშვი!..

● „შიგული“ რომ გადაბრუნდა, გზაც გამოჩნდა და ლოთი მძღოლიც.

● უსარისხო „ანტიფრიზის“ ნაცვლად რადიატორში ნუ ჩაასხამთ ჰაზის არაყს, თორემ მანქანაც გალოთდება და მძღოლიც!

● ფუქნიშანი შუქით ნიშნის მიმცემია და არა ყვაილების თაიგული!

● რას უნდა თავაწყვეტი აქროლო მანქანა, ფოტოინსპექტორს მაინც ვერ გაქცევი!

● დანაშაულია პრიზი ავტობუსების, ტროლეიბუსების, ტრამვაის ჯირითში. გამარჯვებული ექვსი თვით დამსახურებულად დაისვენებს.

● მძღოლისათვის თავაზიანობა და კულტურა ისევე აუცილებელია, როგორც მართვის მოწმობა.

● თუ საჭის ხახუნისგან პიჯაკი ჭიპის არეში გიცვდებათ, ეს იმის ნიშანია, რომ დროზე გაყიდოთ მანქანა და იარაღი ფუნით, რათა ღიბი დავიპატარავდეთ!

● თბილისის გადათხრილ ქუჩებში მანქანის აკრობატული ტარება აკრძალულია! — ეს ყველა მძღოლმა უნდა იცოდეს!

● თუ რომელიმე ქუჩაზე „საცობში“ საათობით მოვიჩინათ დგომამ, ნუ ინერველებთ, დაურკვეთ მეუღლეს და სადილს მოგიტანთ, ოღონდ შეატყობინეთ ქუჩის ზუსტი მისამართი!

● თოფის, ცოლისა და მანქანის განათხოვრება ყოვლად დაუშვებელია!



უსიტყვოდ

ანტილირიკული ანტიოპია ანტიოპიაზე წინააღმდეგ

ყველა იცის, ვინ ვინ არის, „პოდლია“ თუ „ანტიოდლი“, წმინდანი თუ ანტიპრისტე (ანუ ქრისტეს ანტიპოდი). ზევით, ქვევით უფროსობა იცვლებოდა პანტაპუნტიო და მასებმა არ უწყოდნენ, მაინც ვისი ხათრი პქონდის! რას უშველის საქმეს, ტიფო რომ შევვალონ ანტიფოთი? ან რითა სჯობს ლოთიფოთებს ანტილოთის ანტიფოთი? ერთი საქმის საკეთებლად ავგვიფანა ათი „პონტი“ და ყოველთვის ჩაფუშულა საქმე ხრკით ანტიპოდის! ასი „პონტიც“ ჩავარდება, სანამ მძლავრობს ანტიპოდი, ამიტომ სჯობს ჩვენს სახლს, ჩვენს ხილს სხვათა სახლიც, მათი ბონდიც!

ნაღდი საქმის ჩასაგდებად „პონტს“ რომ აგდებს ანტიპოდი, უნდა ვხიოთ ანტიპოდებს საკადრისი ანტიპონტი! თუ არ ვაქცევთ სიტყვას საქმედ, თუ სულ ვაგდეთ მარტო „პონტი“, ეს უკვე ანტისაქმე, ანუ საქმის ანტიპოდი! ამან გვსო და ამან გველა, მიგვიყვანა ამ ტიფამდის, რომ დღეს ვიბრძვით დიდ-პატარა წინააღმდეგ ანტიპოდის! საქმეზე წინ დიდხანს ვბრძოდით, ბევრსაც ვზეიმ-ვნადიმობდით, უსაქონლოდ ვეპარობდით და უსათიბოდ ვსათიბობდით!.. ამად იშვა და მომრავლდა ტიპი სხვადასხვა სიფათის, დიპოსანის თუ უდიპო, მქონე დიდზე დიდი მადის!.. გაიჩინა კოსტად ბუკრი მიმდევარი მათი მოდის, საქმის კვანტის გამოძღვნი ბიუროკრატ-კვანტიპოდი. გარეგნულად შეიცვალა ზოგი, ზოგი ატრიბუტით, გულში კი კვლავ ისე მღერის გარდაუქმნელ მარტივ მოტივს. ვიყოფი ფხიზლად, არ ვავადუნოს მიმიკობამ მათი „მოდის“, ძველებურად კვლავ რომ უჭირთ ლოგიკაც და „ერთიმორთიც“. უსაქმურის ნაშიერი, უსაქმოდ რომ მიდი-მოდის, პატრონია ავტოსი და მოყვარული დიდი... მოდის!.. ერთი კითხვა დახვნი ფრთხილად (ჩემთვის ემათეპტიკობდი): პროცენტულად ხომ არ სჭარბობს პატროსანს ანტიპოდი?... გამრავლების მექანიზმი როგორია მათი მოდემის? ხომ არ ხდება: ერთს ვებრძვით და მის ადგილზე ათი მოდის?... მძიმე ტვირთად გვაწევს ზურგზე ქალღმერთის ათი ფუთი, არაფრისთვის ატენილა ქაქანი და ფართიფურთი!.. ცეცხლი — ზეინებს სიყალბეთა!.. ცად ავიდეს მათი ფუტი! ამას უნდა შემართება, ვან სიტყვა კანტიკუნტი! კვლავ არ ველაპოთ სატყუარა, საკენკი და ბატბუტი, გადარჩევა-არჩევისას არ შევცვალთ ბატი ბუთი! მწვანე შუქი მართალ სიტყვას, ბოლო ვუყოთ ლიტონ ლოდინს! საქმეებით დავამტკიცოთ, რასაც დღემდის ვრიტორობდით! ამისთანა ქვეყნის პატრონს ვინ ვვაჯობოს რაში, როდის?! ჩვენ გვეყუდნის თავი ჩვენი, ვისი გვეხათრ-გვეშინოდის?! დავუბრძაოთ თვალი ეშმაკს, მტერს ვესროლოთ ქვა და ლოდი, რომ აუღლოთ ანტიპოდებს საკადრისი „აბაროტი“! რას ვახდებ, ვინდ მოვიდეს ერთ ნაღდ ბიჭზე ათი „პოდლი“? ნაღდი კაცის და ქართველის ძირს ყოველი ანტიპოდი!

ბაჩათები „ნიანგო“

შესტაფონის რაიონის სოფელ მეორე სვირის მცხოვრებლები აღმასკომის პასუხით დაკმაყოფილებული ვართ, მაგრამ მაინც დაუკმაყოფილებლობის გრძობა გვაქვს წყლის მიმართ, რადგან წლების მანძილზე დაუკმაყოფილებელი ვართ წყლით!..

X X X

თერჯოლის რაიონის სოფელ ზედა სიმონეთის მოსახლეობას გვრცხვენია, ამდენ საჩივრებს რომ ვწერთ, მაგრამ იმისი უფრო გვრცხვენია, ვხა რომ არა აქვს სოფელს და უგზობის გამო სტუმარიც დაეკარგეთ და ავტობუსიც!..

X X X

გაგაშპორის რაიონის სოფელ კიწის 1972 წელს აშენებული კულტურის სახლი 1981 წელს დაიკეტა და დღემდე უმოქმედოდ, ურემონტოდ და დანგრევის პირამდე მისული დგას!.. ადგილობრივმა ხელმძღვანელობამ მისი ბედი რაიონის კულტურის განყოფილებას მიანდო, კულტურის განყოფილებამ კი სახსრების უქონლობა მოიმიზეზა!.. ძვირფასო „ნიანგო“! იქნებ თქვენ გეიპასუხოთ, ვინ უნდა გადაწყვიტოს სოფელ კიწის კულტურის სახლის ბედი, რომლითაც ძალიან დაინტერესებულები ვართ ამ სოფლის ახალგაზრდობა?

X X X

ჩვენ, გორში, შინდისის **გაბატეცილზე**, **№6 სახლში** ვცხოვრობთ, მდინარე ლიხვის პირას, და ყოველ წუთს საშიშროების მოლოდინში ვართ, რადგან არ ვიცით, მდინარე ლიხვი, რომელსაც არავითარი ჭებირი არ ამაგრებს, რა დროს ინებებს აბობოქრებას! სხვა საყოფაცხოვრებო პრობლემებიც გვაწუხებს: მოგესვენებათ, ცხრასართულიან სახლში ულიფტობა რასაც ნიშნავს! აქაოდა, ლიფტი არ მუშაობსო, მაღლა სართულზე მცხოვრებლები პირდაპირ ზევიდან ყრიან ნავებს, ამას გაჭედული კანალიზაციის მილიდან ამოსული „სურნელიც“ ემატება და ჩვენს ირგვლივ ისეთი ანტისანიტარიია, ვირთხებს რომ გაუხარდებთ!..

არ იფიქროთ, ჩვენს გაჭირვებაზე პირველად შეგაწუხებთ. თქვენამდე ადგილობრივ ხელმძღვანელობასაც მივმართეთ, ბინათშენებლობის კომბინატსაც, მაგრამ...
თქვენ კი გვიშველით რამეს, ძვირფასო „ნიანგო“?

X X X

„ნიანგოს“ 1988 წლის მე-2 ნომერში დაბეჭდილი ე. კვიციანიშვილის ბარათი რომ წავიკითხეთ გული მოგვეფხანა, მაგრამ ჩვენს გაჭირვებას მაინც არ ეშველა — **ნუცუმბიძის ფერდობის II მიკრო რაიონში, IV კვარტალის I კორპუსში** მცხოვრებლებს ათზე მეტი დასახელების ყურნალ-გაზეთები გვაქვს გამოწერილი, რომელთაც სისტემატურად ვკარგავთ. „ნიანგო“, როგორ ფიქრობთ, დასაკარგავად გამოვიწერეთ ყურნალ-გაზეთები?

ახლა სხვა არის ხანა!..

სამოცდათის გავხდი,
 კარგიც ვხანე და ცუდიც!..
 ზოგი უჭუდოდ დიდის,
 ზოგი — ნამუსის ქუდით!
 ზოგს ლელო გააქვს რქებით,
 ზოგს კი — ქიციანთ კუდის!
 ზოგს ბრწყინვალე აქვს სახე!
 მხოლოდ სული აქვს მრუდი!
 ზოგი პირდაპირ გამარცხავს,
 ქურდულად გქურდავს ქურდი!
 ყველა ვხედავდით ამას. —
 დარბაისლურად ვდუმდით!..



ბოლოს დაგვიდგა ხანა,
 კაცურად დაგვაცურდით.
 ბევრ ქურდს და სალახანას
 გამოყუნასკვეთ კუდი!
 აბა, გაბედოს ვინმემ
 პროტექტორობით შველა!..
 ყველას ჩავამტვრევთ კბილებს —
 „მგელსა და ტურა-მგელს!..“

მისა ზილღელი

- მაშკო, გვეყვები, მოუშვი წვერი!
- რატომ?
- ზღაპრულ ბაბუას რომ დაემხვავსო და, ბოლოს და ბოლოს, ველოსიპედი მიყიდო!

ემილვკი დედამ საშხაპეში ხელ-პირის დასაბანად შეგზავნა. მალე იქიდან შეკითხვა გაისმა:

- დედი, ყურებიც პირისახეს ვკუთვნის?
- მამი, დღეს ხუთი ფოლი გავიტანე!
- ყოჩაღ, ბიჭოკო, რა მარჯვე ყოფილხარ!
- ახლა შენც უნდა იმარჯვო!
- არ შესმისი?
- იმიტომ, რომ საჭიროა ხუთ ფანჯარა-ში მინის ჩასმა!

- მასწავლებელი პეპანეკს ვკითხვბა:
- რატომ ისრებით დაბლა წამდაუწუმ?
- გაცივებული ვარ და დედამ ცხვირსახოცი ჯიბეზე მიმიკერა, რომ არ დამეკარგოს.

- გამარჯობა, ფანდო! სად ცხოვრობ?
- იცი, ფოსტა სად არის?
- არა.
- ჰოდა, აი მის მახლობლად ვცხოვრობ.

- რა იწყებს ოფლს? — კითხულობს მასწავლებელი.
- მაგალითად, თქვენნი შეკითხვები, მასწავლებელი! — უპასუხებს სტუდენტი.

- პეტე, ჩემს ჩაიში ბუზი ჩავარდა, ბუზი!..
- მერე რა გაღრიალებს? ბუზი ხომ ბევრს ვერ დალევს!

- როგორ მოხდა, პეტკო, ისტორიაში ორიანი რომ მიიღე?
- რა ვქნა, მასწავლებელი სულ ისეთ რამეებს მეკითხებოდა, რაც მანამდე მოხდა, სანამ მე დავიბადებოდი.

- დედიკო, ფიზიკაში ხომ არ შემამოწმებდი?

ყზნოყანი იყბირი

- მცალე ცოტა, მტვერს გადავწმენ და შემდეგ.
- მაგრამ ამასობაში შე დამავიწყდება.

- პეპიკო, ამ ვადრო წყლით სად მიიპარები?
- ჩუმად, დედიკო, მამამ მითხრა, ექვს საათზე გამალვიძეო.

- ტელეფონი რვაკვს. ჟურნალს პატარა პეტია იღებს:
- მაშკო სახლში არ არის, არც დედა. შინ ვართ მე, ბებია და ფისო. ბებია ყრუა, ფისომ ლაპარაკი არ იცის, ნახვამდის!

- აბა, სადა გაქვს დღიური, მაჩვენე! — ეუბნება მამა შეილს.
- ირკომ იგი სახლში წაიღო, თავისი მშობლები ცოტა რომ შეეშინებინა.

- ბატონო ნოვაკ, თქვენ არ გაწუნებთ, მე რომ მთელი დღე ფორტეპიანოზე ვუკრავ? — ვკითხვბა ფრანტიშეკი მესობელს.
- დიას, მანუხებს! ძალიან მანუხებს!
- ხომ არ ეტყოდით ამას დედაჩემს?

- პეტრიკი კბილის ექიმთან შეიყვანეს. მოსაცდელში დედა ძალიან დედავს. როგორც იქნა, ბავშვი გამოვიდა.
- კიდევ გტკივა კბილი, შევილიკო?
- არ ვიცი, დედი, ექიმმა კბილი თავისთან დაიტოვა.

- იანიჩკამ და პეტრიკამ პლაგზე ერთმანეთი გაიცნეს.



— დიდო შაპაბაზ, თქვენ რომ გვიბრძანეთ, კახეთში ვენახები აჩეხეთო, ზოგიერთ ქართველს უკვე აუჩეხია, საზამთრო მოუყვანია და როგორ მოვიქცეთ?!

- იანიჩკო, — ეუბნება პეტია დამშვიდობებისას, — ძალიან, ძალიან მომწონსარ, ცოლად გამომყვები?
- მეც ძალიან მომწონსარ, მაგრამ თუ შეგიძლია მარჩინო?
- ნუ გეშინია, სახლში მაცივარი პროდუქტებით გამოტენილი გვაქვს.

- ვერიკო, ფეხებზე რამე დამაფარე და ტელევიზორი გამოსრავ!
- არ შემოდლია, კარლიკო, ჩვენ კინოთეატრში ვართ!..

- რა გინდა დაბადების დღისთვის გაჩუქო?
- კატა.
- რატომ?
- იმიტომ, რომ სულ მე არ მომხვდეს, როცა საკუჭნაოში რაღაც დაიკარგება.

- პატარა ეგვენეკი ტირის.
- რა გატორებს, გენაცვალე? — ვკითხვბა დედა.
- შენ ხომ მითხარი, შოკოლადი ყველასთვის მიმეწოდებინა?
- მერე?
- ჰოდა, დეიდას მივაწოდე, მან კი შემიჭამა.

- იარდო, მართალია, რომ შენ უთხარი ჩემზე ფრანტას, ვირიაო?
- მართალი კი არის, მაგრამ მისთვის მე ეს არ მითქვამს.

- ბავლე, ეგ ბარათი ვისგან არის?
- ვერიკასგან.
- ფურცელზე რომ არაფერი წერია?
- იმიტომ, რომ ჩვენ ერთმანეთს არ ველაპარაკებით.

- პატარა ბავშვი მთელი დღე და ღამე ტირის. უფროსი ძაშკო ვკითხვბა დედას:
- დედი, საიდან მოიყვანეს ეს პატარა ბავშვი?
- წეროებმა მოგვიყვანეს სამხრეთიდან.
- ახლა იქ რა სიწყნარება, არა?

ჩესურიდან თარგმნა
 სანდრო ტალიქიძე



საბჭოელი პარტიის და იუმორისტული მუხრანული „ნიანგი“ №11 (1765). იენისი. გამოდის 1923 წლის იენისიდან.

მთავარი რედაქტორი ზაურ გოლშვაძე

სარედაქციო კოლეგია:

ავთანდილ ადღიშვილი (პასუხისმგებელი მდივანი), ჭაბუა ამირეჯიბი, ნომადი ბართაია, ბორის გურგუ-ლია, რევაზ თვარაძე, ჭე-მალ ლოლუა, ნოდარ მა-ლაზონია (მხატვარ-რედაქ-ტორი), ალექსანდრე სამ-სონია, ბეჟან სიხარულიძე (მთავარი რედაქტორის მო-ადგილე), ჯანსუღ ჩარკვია-ნი, თამაზ წიგწივაძე, ნა-ფი ჭუსიოთი.

ტექნიკური რედაქტორი ირაკლი დუნდუა

გადეცა ასაწყობად 04.05. 88 წ. ხელმოწერი-ლია დასაბეჭდად 9.06. 88 წ. ქალაქის ზომა 60x90¹/₈, ფიზიკური ნაბე-ჭდი ფურცელი 1,5. სააღ-რიცხო-საგამომცემლო თა-ბაზა 1,9, საქართველოს კა-პის გამოცემლობა, ლენინის 14, შეკვ. 1189 უე 04926 ტირაჟი 139000 ეურნალი გამოდის თვეში ორჯერ. რედაქციაში შემო-სული მასალები ავტორებს არ უბრუნდებათ.

ჩვენი მისამართი: 880008. თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, პ/მგ მდივნის — 93-10-78, მხატვარ-რედაქტორის — 99-02-38, გან-ყოფილებათა გამგეების — 93-49-32, რედაქტორ-ლიტ-მუშაკების — 99-02-38, მდივან-მემაქანის — 99-76-69.

სატირიკო - იუმორისტиче-ский журнал «НИАН-ГИ» (На грузинском языке). Тбилиси, пр. Ру-ставели № 42. Издатель-ство ЦК КП Грузии, Ордена Трудового Крас-ного Знамени типогра-фия издательства ЦК КП Грузии, Тбилиси, улица Ленина № 14.



უმთავანებების ხე

Handwritten text and a stamp at the bottom left of the page.

ფასი 20 კპ. ინდექსი 76137

